

Fréttatilkynning

15. maí 2009

**UNDIRRITUN SAMNINGA Í TENGLUM VIÐ
ÚTGÁFU RÍKISVERÐBRÉFA OG
VIÐSKIPTAVAKT Á EFTIRMARKAÐI**

Fjármálaráðherra hefur falið Seðlabanka Íslands að gera samninga í tengslum við útgáfu ríkisverðbréfa og viðskiptavakt á eftirmarkaði.

Aðilar að OMX, Norrænu kauphöllinni á Íslandi, sem geta með sannarlegum hætti sýnt fram á eiginfjárstöðu að fjárhæð a.m.k. 5.000 m.kr og hafa nauðsynlegan búnað til þess að taka þátt í útboðum ríkisverðbréfa sem Seðlabanki Íslands heldur fyrir hönd ríkissjóðs, geta óskað eftir því að gerast aðilar að samningunum. Fyrirhugað er að Seðlabankinn geri samninga við lágmark 4 aðila sem verða svokallaðir aðalmiðlarar.

Aðalmiðlarar hafa einir heimild til þess að leggja fram tilboð í útboðum Seðlabanka Íslands þar sem ríkisverðbréf eru boðin til kaups eða sölu. Einnig fá þeir aðgang að verðbréfalánum ríkisverðbréfa sem Seðlabankinn býður upp á fyrir hönd ríkissjóðs.

Aðalmiðlarar annast viðskiptavakt á markflokkum ríkisverðbréfa í OMX, Norrænu kauphöllinni á Íslandi. Aðalmiðlurum er skylt að setja fram kaup- og sölutilboð að lágmarki 100 m.kr. í hvern markflokk ríkisverðbréfa með hliðsjón af hámarksmun sem tilgreindur er í samningunum.

Frekari upplýsingar er að finna í meðfylgjandi sýnishorni af samningi í tengslum við útgáfu ríkisverðbréfa og viðskiptavakt á eftirmarkaði. Þeir kauphallaraðilar sem hyggjast gerast aðalmiðlarar með ríkisverðbréf mæti til undirritunar samninga klukkan 09:15 föstudaginn 22. maí 2009 í húsakynnum Seðlabanka Íslands að Kalkofnsvegi 1.

Frekari upplýsingar veitir Björgvin Sighvatsson, alþjóða- og markaðssviði Seðlabanka Íslands í síma 569 9600.